

Әсел Ерсайынова, Марал Мұхамеджанова, М.Қозыбаев атындағы;  
СҚУ-дің оқытушылары

## Ұлы халықтың ұлы Абайы

М.Қозыбаев атындағы Солтүстік Қазақстан университетінде "Ұлы халықтың ұлы Абайы" атты аймақтық әдеби-сазды кеш өтті. "Практикалық қазақтілі" кафедрасының оқытушылары ұйымдастырған шараға Ұлттық ұлан әскери институтының курсанттары, университеттің және өнер колледжінің студенттері қатысты.

Бас ақынның өнегелі өмірі мен

Облыстық прокуратура Петропавл қаласында үш балабақшаны сенімді басқаруға беру кезінде заңдылықтың қаншалықты сақталғанына талдау жасап, қорытынды-шығармашылығын насихаттау мақсатында өткен шарада алдымен әскери институттың профессоры Ақмарал Жәмитова сөз алды. Ол қаламгердің балалық шағы, өскен ортасы жайлы әңгімелеп, кейінгі ұрпақ ақынның туындыларымен сусындап өсуі керектігін алға тартты.

- Абайды қастерлеудегеніміз-тарихың мен әдебиетіңе құрметпен қарау. Өскелең ұрпақ бас ақынымыздың аманат етіп қалдырған асыл мұраларын жадында сақтаулары керек, - деді Ақмарал Сәркенқызы.

Бұдан соң жиында облыстық филармонияның әншісі, республикалық байқаулардың лауреаты Біржан Есжанов ақынның әсем әндерін шырқап, тыңдарманның құлақ құрышын қандырды. Ал қызжігіттердің Абай өлеңдері мен қарасөздерін жатқа оқып, мың бұрала билеуі кештің көркін аша түсті.

•  
// Қызылжар нұры.- 2020.- 28 ақпан